



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

OSHP: 2025/0426

Në bazë të nenit 105 pika 1 dhe 2, neni 108/A paragrafi 7 dhe neni 109 të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/L-068, i plotësuar dhe ndryshuar me Ligjin 05/L-092, pas shqyrtimit të kërkesës së datës 12.07.2025 të kërkesës për tërheqje nga ankesa të parashtruar nga OE Vehbi Manaj B.I., për tërheqje nga ankesa e parashtruar me datë: 31.05.2025 me nr. 2025/0426 kundër vendimit lidhur me aktivitetin e prokurimit “Ndërtimi infrastrukturës rrugore në bujqësi” me nr. të prokurimit: "624-25-1003-5-2-1", iniciuar nga Autoriteti Kontraktues (AK) – Komuna Suharekës, Paneli Shqyrtues në përbërje nga Kimete Gashi Brajshori, më 12.08.2025 morën këtë:

Vendim

1. Aprovohet, kërkesa e datës 15.07.2025, e parashtruar nga Vehbi Manaj B.I., për tërheqjen e ankesës me nr. 2025/0426, e datës 31.05.2025, ankesë kjo e parashtruar për aktivitetin e prokurimit “Ndërtimi infrastrukturës rrugore në bujqësi” me nr. të prokurimit: "624-25-1003-5-2-1" iniciuar nga Autoriteti Kontraktues (AK) – Komuna Suharekës.

2. I lejohet, autoritetit kontraktues – Komuna Suharekës që të vazhdojë më tutje me aktivitetin e prokurimit “Ndërtimi infrastrukturës rrugore në bujqësi” me nr. të prokurimit: "624-25-1003-5-2-1", përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.

3. Meqenëse parashtruesi i ankesës është tërhequr nga ankesa dhe pretendimet ankimore, pas pranimit të raportit të ekspertizës së ekspertit shqyrtues konform nenit 28 par 1 i Rregullores së Punës së OSHP-së të njëjtit i konfiskohet tarifa e ankesës.

Arsyetim

Operatori ekonomik OE Vehbi Manaj B.I, me datën 31.05.2025, përmes platformës elektronike ka paraqitur ankesë në OSHP, lidhur me aktivitetin e prokurimit “Ndërtimi infrastrukturës rrugore në bujqësi” me nr. të prokurimit: "624-25-1003-5-2-1", inicuar nga Autoriteti kontraktues (AK) – Komuna Suharekë.

Operatori ekonomik Vehbi Manaj B.I, me datën 16.07.2025 përmes sistemit e-prokurimi është tërhequr nga ankesa, lidhur me aktivitetin e prokurimit të sipërcituar të prokurimit.

Me rastin e informimit lidhur me veprimet e përshkruara si më sipër, Paneli Shqyrtues mori vendim për aprovimin e kërkesës për tërheqje nga ankesa duke i lejuar AK që ta vazhdojë aktivitetin e prokurimit (i përshkruar si më sipër) nëse AK nuk ka ndonjë ankesë tjetër për këtë aktivitet. Krahas kësaj po ashtu duhet theksuar se në të tilla raste mungon efekti pezullues i ankesës në kuptim të nenit 112, paragrafi 1, të LPP sipas të cilit dorëzimi i një ankese e obligon AK që automatikisht ta pezullojë zbatimin e aktivitetit të prokurimit në rastin konkret. Bazuar në faktet dhe rrethanat e përshkruara shkurtimisht si më sipër, konstatohet se janë krijuar kushtet (prezumimet ligjore) që të përfundoj procedura ankimore në këtë fazë, pa nevojë që të hapet faza e vlerësimit meritore lidhur me këtë aktivitet të prokurimit, sepse mungon objekti ankimor dhe elementet qenësore të ankesës sipas nenit 111 të LPP;

Bazuar në faktet dhe rrethanat e përshkruara shkurtimisht si më sipër, konstatohet se janë krijuar kushtet (prezumimet ligjore) që të përfundoj procedura ankimore para OSHP në këtë fazë dhe lidhur me këtë aktivitet të prokurimit, për faktin se: mungon objekti ankimor dhe elementet qenësore të ankesës sipas nenit 111 të LPP; ankuesit, i mungon statusi i palës së interesuar, sipas nenin 4, paragrafi 1.26 të LPP.

Në këtë rast duhet theksuar se në kuptim të nenit 13, të Ligjit për procedurën e përgjithshme administrative (LPPA), secili person ka të drejtë të ushtrojë mjetet juridike kundër një veprimi apo mosveprimi administrativ të organit publik që i cenon një të drejtë apo një interes juridik. Kurse në kuptim të nenit 109, paragrafi 1, të LPP, po ashtu parashihet se çdo palë e interesuar ka të drejtë të parashtojë ankesë pranë OSHP. Mirëpo, në kuptim të parimeve bazë të legjislacionit, posaçërisht parashikuar me dispozitën e nenit 93 të Ligjit për Procedurën e përgjithshme administrative, kjo njëherësh kjo nënkupton faktin se çdo palë e interesuar ka të drejtë po ashtu ta ndryshoj (plotësoj, përmirësoj, precizoj) ankesën dhe po ashtu ta tërheq atë. Në fakt, Paneli Shqyrtues ka konfirmuar faktin e tërheqjes së ankesës, bazuar në veprimet e palës përmes publikimit të tyre në platformë përkatësisht faqen zyrtare të sistemit të prokurimit publik, prandaj nuk gjeti arsye për të vepruar në kuptim të nenit 110 të LPP andaj janë krijuar kushtet që procedura në këtë çështje juridiko administrative të përfundoj në kuptim të nenit 97 të LPPA.

Megjithatë Paneli Shqyrtues i vë në dijeni AK, në çdo aktivitet duhet të veproj konform dispozitave dhe autorizimeve ligjore siç parashihen ato me nenin 1, 6, 7, 27, 28, 59, 60, 65 të LPP-së.

Meqenëse parashtruesi i ankesës është tërhequr nga ankesa dhe pretendimet ankimore, pas pranimit të raportit të ekspertizës së ekspertit shqyrtues konform nenit 28 par 1 i Rregullores së Punës së OSHP-së të njëjtit i konfiskohet tarifa e ankesës.

Prandaj bazuar shkurtimisht në të lartcekurat, Paneli Shqyrtues vendosi si në dispozitiv të këtij vendimi.

KËSHILLË JURIDIKE:

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës Komerciale - Departamentit për çështje Administrative për anulim vendimi në afat prej 30 ditësh nga data e pranimit të vendimit.



Kryetar i Panelit Shqyrtues

Kimete Gashi

Këshillë juridike:

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës Komerciale - Departamentit për çështje Administrative për anulim vendimi në afat prej 30 ditësh nga data e pranimit të vendimit.

Vendimi t'i dorëzohet:

- **AK - KOMUNA SUHAREKË**
- **OE - Vehbi Mamaj B.I.**
- Arkivës së OSHP-së: